

文献通考

二百十九之二百廿三


卷六




漢書門類			
一	一	一	一
〇	〇	〇	〇
冊	架	函	號

內閣文庫			
元	二	漢	
冊	五	書	
函	六	門	
架	八	類	

內閣文庫			
番號	漢	11568	
冊數	100	( 66 )	
函號	294	1	





考卷之二百十九

宋鄒陽

馬

端臨

貴與著

明靳陽

馮

天馭

應房

校刊

經籍考

子陰陽

八文

五行

形法

漢藝文志陰陽者流蓋出於羲和之官敬順昊天歷象日

月星辰敬授民時此其所長也及拘者為之則牽於禁忌  
泥於小數舍人事而任鬼神

漢志二十一家三百六十九篇

天文

漢藝文志曰天文者序二十八宿步五星日月以紀吉凶  
之象聖王所以參政也易曰觀乎天文以察時變然星事  
之學非淫家者弗能言也讀曰流由用也天觀景以謹形

漢書門			
一	二	三	四
〇	五	六	七
〇	八	八	八
冊	架	函	號
類			

淺草文庫

不能服也以此不能出之臣諫不能聽之主此

藝文志曰國家建官分司觀文察變尤重慎其事

太宗即位知私言自禁頗為難懼志使訪考黜去繆妄

遂下詔禁止之至真宗復申明詔旨重其罪罰自茲澄汰

旌別濫學方息而氏無所惑矣

兩朝藝文志曰天文圖書藏秘閣西偏有內侍專掌禁私

習者嘉祐中大校經史而兵法小學醫術禮書皆分局命

官編校定寫唯天文五行未嘗是正諸儒亦莫得考也

漢志二十一家四百四十五卷

隋志九十七部合六百七十五卷

唐志二十家三十部三百六卷失姓名六家李淳風天文占以下不著錄六家一百七十五卷

宋三朝志八十四部三十二卷

宋兩朝志二十八部一百六卷

宋四朝志三十九部二百四十六卷

宋中興志二十家二十部一百二十七卷

漢藝文志曆譜者序四時之位正分至之節會日月五星之辰以考寒暑殺生之實故聖王必正曆數以定三統服色之制又以探知五星日月之會凶阨之患吉隆之喜其術皆出焉此聖人知命之術也非天下之至材其孰能與焉道之亂也患出於小人而強欲知天道者壞大以為小削遠以為近是以道術破碎而難知也

宋兩朝藝文志曆以算成自建隆之治平五正曆象作為銅儀經法具於所司蓋有知算而不知曆者故曆為算本治曆之善積筭遠其驗難而差是也曆之不善積筭近其驗易而差亦速

漢志十八家六百六卷

隋志一百部二百六十三卷

唐志三十六家七十五部二百三十六卷

宋姓名五家王勃以下不著錄十九家百

六卷

宋三朝志五十三部二百卷

宋兩朝志三十三部六十四卷

宋四朝志五十二部二百四十三卷

宋中興志三十八家五十一部一百五十八卷

五行

漢藝文志曰五行者五常之形氣也書云初一曰五行次二曰羞用五事言進用五事以順五行也貌言視聽思心失而五行之序亂五星之變作皆出於律曆之數而分爲一者也其法亦起五德終始推其極則無不至而小數家

因此以爲吉凶而行於世寢以相亂

漢志五行二十一家六百五十二卷

漢志雜占十五家四百一卷

漢志雜占十八家三百一十三卷

容齋洪氏隨筆曰漢藝文志七略雜占十八家以黃帝甘

德占夢二書爲首其說曰雜占者紀百家之象候善惡之

證衆占非一而夢爲大故周有其官周禮太卜掌三夢之

法一曰致夢二曰箝夢三曰咸陟鄭氏以爲致夢夏后氏

所作箝夢商人所作咸陟者言夢之皆得周人作焉而占

夢專爲一官以日月星辰占六夢之言凶其別曰正曰噩

曰思曰寤曰喜曰懼季冬聘王夢獻吉夢于王王拜而受

之乃舍萌于四方以贈惡夢舍萌者猶釋菜也贈者送之

也詩書禮經所載高宗夢傳說周文王夢帝與九齡武王

後紂夢叶狀卜宣王考牧牧人有能罷虺蛇之夢召彼故  
老訊之占夢左傳所書尤多孔子夢坐奠于兩楹然則古  
之聖賢未嘗不以夢為大是以見於七略者如此魏晉方  
士或有之今人不復留意此卜雖市井妄術所在  
無以占夢自名者其學殆絕矣

藝文志形法者大舉九州之勢以立城郭室舍形人及  
骨節法之度數器物之形容以求其聲氣貴賤吉凶猶  
律有長短而各徵其聲非有鬼神數使然也然形與氣相  
首尾亦有有其形而無其氣者有無其氣而無其形者此精  
微之獨異也

漢志六家一百二十二卷

隋志五行二百七十二部合一千二十二卷

隋志五行六十家一百六十部六百四十七卷失姓名六十五家  
不著錄二十五家  
一百三十二卷

宋三朝志五行四百四十二部一千四百九十七卷

宋兩朝志五行一百一十五部一百六十一卷

宋四朝志五行一百三十四部三百九十二卷

宋中興志五行八十二家八十八部二百八十六卷

宋中興志著述三十三家三十六部一百一卷

宋中興志雜占八十八家八十四部一百七十五卷

宋中興志形法九十五家一百單四部二百六十八卷

陳氏曰自司馬氏論九流其後劉歆七略班固藝文志皆  
著陰陽家而天文曆譜五行卜筮形法之屬別為數術略  
其論陰陽家者流蓋出於羲和之官敬順昊天歷象日月  
星辰拘者為之則牽於禁忌泥於小數至其論數術則又

以爲義和卜史之流而所謂司星子韋三篇不列於天文而著之陰陽家之首然則陰陽之與數術似未有以大異也不知當時何以別之豈此論其理彼具其術耶今志所載二十一家之書皆不存無所攷究而隋唐以來子部遂闕陰陽一家至董道藏書志始以星占五行書爲陰陽類今稍增損之以將日祿命遁甲筮形法爲陰陽一家之闕而其他數術各自爲類

按陳氏之說固然矣然時日祿命遁甲獨非術數乎其所謂術數各自爲類者曰卜筮曰形法然此二者獨不本於陰陽乎蓋班史藝文志陰陽家之後又分五行卜筮形法各自爲類今班志中五行卜筮形法之書雖不盡存而後世尚能知其名義獨其所謂陰陽家二十一種之書並無一存而隋史遂不立陰陽門蓋隋唐闕也

不能知其名義故無由以後來所著之書續立此門矣然考書唐書及宋九朝史凡涉乎術數者總以五行一門包之殊欠分別獨中興史志乃用班志舊例以五行占卜形法各自爲門今從之

經籍考

子天文 曆筭

周髀算經二卷音義一卷

陳氏曰題趙君卿註甄鸞注述李淳風等註釋周髀者蓋天文書也稱周公受之商高而以句股爲術故曰周髀唐志有趙嬰鸞鳥註多一卷李淳風釋二卷今日君卿者豈嬰之字耶中興書目又云君卿名爽蓋本崇文總目然皆莫詳時代甄鸞者後周司隸也音義假承務以李淳撰一

司天攷古星通玄實鏡一卷

司天攷古星通玄實鏡一卷

晁氏曰題曰巫咸氏宋朝太平興國中詔天下知星者詣京師未幾至者百許人坐私習天文或誅或配隸海島由是星曆之學殆絕故予所藏書中亦無幾姑衷數種以備教云

甘石星經一卷

晁氏曰漢甘公石申撰以日月五星三垣二十八舍恒星圖象次舍百七訣以候休咎

星簿讚曆一卷

陳氏曰唐志傅石氏星經簿讚館閣書目以其有徐占等州名疑後人附益今此書明言依甘石巫咸氏則非專石中書也

乙巳占十卷

陳氏曰唐太史令政陽李淳風撰起算上元乙巳故以

焉

玉曆通政經三卷

陳氏曰李淳風撰亦天文占也唐志無之

乾坤變異錄一卷

陳氏曰不著名氏雜占變異凡十七篇

古今通占三十卷

陳氏曰唐高潛夫沛國武密撰纂集黃帝巫咸而下諸家及隋以前諸史天文志為此書景祐乾象新書間取其說中興館閣書目作古今通占鏡本唐志云爾

步天歌一卷

晁氏曰宋蘇撰人二十八舍歌也三垣頌五星凌犯賦附于後或云唐王希明撰自號丹元子

交際鄭氏天文略曰隋有丹元子隱者之流也不知名氏

作步天歌見者可以觀象焉王希明纂漢晉志以釋之唐書誤以爲王希明也夫文籍圖不籍書然書經百傳不復訛謬縱有訛謬易爲攷正圖一再傳便成顛錯一錯愈錯不可復尋所以信圖難得故學者不復識星向嘗盡求其書不得其象又盡求其圖不得其信一日得步天歌而誦之時素秋無月青天如水讀一句疑目一星不三數夜一天星斗盡在霄中矣此本只傳靈臺不傳人間術家秘之名曰鬼料竅世有數本不勝其訛今則取之仰觀以從稽定然步天歌之言不過漢晉諸志之言也漢晉志不可以得天文者謂所載名數失詳叢雜難舉故也步天歌句中有圖言下見象或約或豐無餘無失又不言休咎是深知天者今之所作以是爲本舊於歌前亦有星形然流傳易訛所當削去惟於歌之前採諸家之言以備其書云

列宿圖一卷 天象分野圖一卷

晁氏曰未詳撰人

景祐乾象新書三十卷

陳氏曰司天春官正楊雄德等撰以歷代古書及春秋至五代諸史採摭撰集元年七月書成賜名仍御製序

晁氏曰今惟三卷

大宋天文書十五卷

陳氏曰不著名氏館閣書目亦無之意其爲太史局見今施行之書蓋供報占驗大抵出此

天經十九卷

陳氏曰同州進士王及甫撰不知何人其書定是非協同異由博而約儒者之善言天者也

天象法要二卷



陳氏曰丞相溫陵蘇頌子容撰元祐三年新造渾天成記其法要而圖其形象進之

歷代星史一卷

陳氏曰不著名氏抄集諸史天文志

天文考異二十五卷

陳氏曰昭武布衣鄒淮撰大抵襲景祐新書之舊淮後入

太史局

二十四氣中星日月宿度一卷

陳氏曰此書傳之程文簡家公得於荆判局荆名大聲太

史局官也

天象義府九卷

陳氏曰宜黃布衣應厚撰其書考究精詳論議新奇而多穿鑿傳會象垂於天其曰某星主某書者人實名之也開

闢之初神聖在御地天之道未絕其必有得於仰觀之妙者故曰天垂象聖人則之夫天豈諄諄然命之乎如必一切巧爲之說而以爲天意實然則幾於矯誣矣

右天文

合元萬分曆一卷

晁氏曰唐曹氏撰未知其名曆元起唐高宗顯慶五年庚申蓋民間所行小曆也本天竺曆爲法李獻臣云

僧法一卷

晁氏曰未詳撰人曆草也

唐大衍曆議十卷

陳氏曰唐一行作新曆草成而卒詔張說與曆官陳玄景等次爲七篇略例一篇曆議十篇新史志略見之十議者一曆本二日度三中氣四合朔五卦候六九道七

日晷八分野九五星十日食大抵皆以考正古今得失也  
曆志略取其要著于篇者十有二曰曆本曰中氣曰合朔  
曰卦候曰卦曰日度曰九道曰日食曰五星蓋曆議之八  
篇而分卦候爲二故共爲九條其沒滅盈縮晷漏中星三  
條則皆取之略例餘曆議日晷分野二篇則具之天文志  
嘉定辛未辭科用爲序題有劉澹如者蓋得其書自說必  
在選中而考官但據史文初不知此書尚存於世也以其  
篇次與史文不合黜之要之史官因此書以述志考官因  
史志以命題當以書爲本參考志之所載乃爲全善

崇天曆一卷

陳氏曰司天夏官正權判監宋行古等撰天聖二年上學  
士晏殊序國初有建隆應天曆次有乾元曆皆天曆詳見  
三朝史志

紀元曆三卷立成一卷

陳氏曰姚舜輔撰崇寧五年成自崇文之後有明天曆熙  
寧奉元曆元祐觀天曆至崇寧三年舜輔造新曆曰占天  
未幾蔡京又令舜輔更造用帝受命之年卽位之日元起  
庚辰日命已卯上親製序放之天下賜名紀元本朝承平  
諸曆略具正史志不見全書此二曆近得之蜀人秦九詔  
道古故存之

統元曆一卷

陳氏曰常州布衣陳得一更造秘書少監朱震監視紹興  
五年上曆家不以爲工

會元曆一卷

陳氏曰夏官正劉孝榮造禮部尚書李巖序紹熙元年也  
孝榮判太史局凡造三曆此其最後者勝前遠矣

統天曆一卷

陳氏曰冬官正楊忠輔撰丞相京鐘表進其曆議甚詳至於星度明言不曾測驗無候簿可以立術最為不欺紹熙五年也其末有神殺一篇流於陰陽拘忌則為俚語

開禧曆三卷立成一卷

陳氏曰大理評事鮑澣之撰進時開禧三年詔附統天曆推筭至今須曆用統天之名而實用此曆當時緣金虜閏月與本朝不同故於此曆加五刻天道有常而造術以就之非也大抵中興以來雖屢改曆而日官淺鄙不知曆象之本但模襲前曆而於氣朔皆一時遷就爾

金虜大明曆十卷

陳氏曰亡金大定十三年所為也其術疎淺不足取積年三億以上其拙可知然統天開禧改曆皆緣朝論以北曆得天為疑貴耳賤目由來久矣寔不然也

數術大略九卷

陳氏曰魯郡秦九韶道古撰前世算術自漢志皆屬曆譜家要之數居六藝之一故今解題列之雜藝類惟周髀經為蓋天遺書以為曆象之冠此書本名數術而前二卷大衍天時二類於治曆測天為詳故亦置之於此秦博學多能尤邃曆法凡近世諸曆皆傳於秦所言得失亦悉著其語云

集聖曆四卷

晁氏曰皇朝楊可集可久為周天冬正官正輯古今陰陽書彙為四時以消擇日辰云

百中經三卷

晁氏曰自紹興二十一年以上百二十年曆日節文也

刻漏圖一卷

晁氏曰皇朝燕肅撰肅有巧思上蓮花漏法嘗知潼州有  
石刻存焉洛陽宋君者增損肅之法為此圖  
官曆刻漏圖一卷蓮花漏圖一卷

陳氏曰太常博士王普伯照撰  
右曆筭

文獻通考卷之二百十九

文獻通考卷之二百二十

宋鄱陽 馬端臨 貴與 著

明蘄陽 馮天馭 應芳 校刊

經籍考 子五行 占筮 形法

廣古今五行志二十卷

晁氏曰竇滄撰唐志有其目未詳何人纂五行變異敘其  
徵應蓋為洪範之學者自古術數之學多矣言五行則本  
洪範言卜筮則本周易近時兩者之學殆絕而最盛于世  
者葬書相術五星祿命六壬遁甲星禽而已然六壬之類  
足以推一時吉凶星禽五星祿命相術之類足以推一身  
之吉凶葬書之類足以推一家之吉凶遁甲之類足以推  
一國之吉凶其所知若有遠近之異而或中或否不可盡  
信則一也

遁甲萬一訣一卷

晁氏曰題云唐李靖所纂黃帝書按遁甲之書見於隋志凡十三家則其學之來亦不在近世矣以休生傷杜景死驚開八門推國家之吉凶通其學者以為有驗未之嘗試也

遁甲經一卷

晁氏曰唐胡乾撰李氏書目亦云九天玄女術推九星八門三奇六儀之法

景祐遁甲玉函符應經二卷

陳氏曰司天春宮正楊惟德撰御製序

景祐太乙福應集要十卷

陳氏曰楊惟德撰御製序末題紹興元年嵩陽潛士魏郡劉箕其積筭自建炎三年己酉推之者其所附益也九宮

八門與遁甲相表裏字多訛未有他本可據

遁甲二遁圖局一卷并雜訣

三元大成圖局二卷

遁甲八門機要一卷

太乙淘金歌一卷

陳氏曰已上四種皆無名氏得之盱江吳炎

遁甲選時圖二卷

陳氏曰紹興府所刻本亦無名氏

釋星經三卷

晁氏曰不著撰人以日月五星羅喉計都紫氣月孛十一曜演十二宮宿度以推人貴賤壽夭休咎不知其術之所起或云天竺梵學也按洪範曰歲月日時無易百穀用成又用明俊民用章家用平康月之從星則以風雨州鳩

曰武王伐殷歲在鶉火月在天駟一曰在析木之津辰在斗柄星在天龜以此言之五星之術其來尚矣蓋可以占國則可以占事可以占事則可以占人也然術家用日月五星以占吉凶又加以交初交中之神紫氣月孛之宿初中者交食之會亦可以意求惟氣孛無稽而術家獨以為効且曰土木之餘氣五星之行土木最遲而為吉凶者久故有餘氣云

周易十二論一卷

晁氏曰未詳撰人論日月五星直年以占吉凶

珞琰子三命一卷

晁氏曰李獻臣云珞琰者取珞珞如玉琰琰如石之義推人生休咎否泰之法箕子曰五行水火金木土禹曰辛壬癸甲則甲子五行之名蓋起於堯舜三代之時矣鄭氏釋

天命之謂性曰謂木神則仁金神則義之類又釋我辰在日謂六物之吉凶此以五三曰甲子推知休咎否泰於其傳者也呂才稱起於司馬季主及王克其言淺哉然才所詆建祿背祿三刑劫殺建學空亡勾絞六害驛馬之類皆今世三命之術也亦在才之前矣由是觀之視他術淵源獨遠且小運之法本于說文也字之訓空亡之說本于史記孤虛之術多有所自來故精於其學者巧發奇中最多陳氏曰此書祿命家以為本經其言鄙闇志賣卜人所為也

珞琰子疏五卷

晁氏曰皇朝李全東方明撰

李虛中命書三卷

晁氏曰唐李虛中撰虛中字常容姓箕云冲之八代孫學

最深於五行書壽夭貴賤利不利輒先處其年時百不失  
一韓愈言冲爲虛中十一世祖誤也

河圖天運二賦二卷

晁氏曰不著撰人論天地二運蓋三命書也崇文目以爲  
卜筮類

壺中賦一卷

陳氏曰稱紫雲溪壺中子莫知何人

源髓歌六卷後集三卷

陳氏曰唐沈之撰後集妄也

太乙命訣一卷

陳氏曰稱袁天綱妄人假託

五命秘訣一卷

晁氏曰皇朝林開撰三命之術年月日支十也加以時驗

故曰五命

鮮鶚經十卷

晁氏曰未詳撰人凡十門六十二章以星禽推知人之吉  
凶言其情性嗜好爲尤驗說者謂本神仙之訣也故此書  
載於道藏李邕鄆云羅浮山逍遙子撰

紫堂訣三卷

晁氏曰紫堂先生撰未詳何代人著紫垣十二星至隱曜  
總三百六十位分二十八舍附之以五星配十二辰以推  
人命之吉凶

五星命書一卷

陳氏曰不著名氏然歌訣頗詳然未必驗也

五星三命指南十四卷

陳氏曰亦不知名氏大抵書坊售利求俗師爲之

聿斯歌一卷

陳氏曰青羅布衣王希明撰不知何人

靈臺三十六歌一卷

陳氏曰稱武平先生亦不知何人

五星六曜約法一卷

洞微歌一卷

紫宙經一卷

陳氏曰以上三種皆無名氏

四門經一卷

陳氏曰唐待詔陳周輔撰

青羅立成曆一卷

陳氏曰司天監朱奉奏據其曆起貞元十年甲戌入曆至今乾寧四年丁巳則是唐末人

羅訖二隱曜立成曆一卷

陳氏曰稱太中大夫曹士蔦亦莫知何人但云起元和元年入曆

諸家五星書一卷

陳氏曰雜錄五星祿命之說前數家多在焉

遁甲八門命訣一卷

陳氏曰不知名氏

信齋白中經一卷

陳氏曰不著名氏安慶府本術士言最善

怡齋百中經一卷

陳氏曰東陽術士曹東野自言今世言五星者皆用唐顯慶曆曆法更本朝前後無慮十餘變而百中經猶守舊安得不差於是用見行曆法推筭其說如此未知能質也



五行精紀三十四卷

陳氏曰清江鄉貢進士廖中撰周益公為之序集諸家三命說

三辰通載三十四卷

陳氏曰嘉禾錢如璧編集五星命術

廣濟陰陽百忌曆二卷

陳氏曰稱唐呂才撰有序按才序陰陽書其三篇見於本傳曰祿命曰卜宅曰遷葬盡掃世俗拘滯之論安得復有此曆本初固已假託後人附益尤為不經

三曆會同十卷

陳氏曰不知作者集百忌總聖集正三書

萬曆會同三十卷

陳氏曰陳從古撰以前書推廣之書坊售利之員也

彈冠必用一卷

陳氏曰周謂撰專為宦游擇日設

三曆撥要一卷

陳氏曰無名氏又一本名擇日撮要曆大略皆同建安徐清叟真翁云其尊人尚書公應龍所輯不欲著名

陰陽備用十二卷

陳氏曰通判舒州新安胡舜甲汝嘉撰此書本為地理形法而諸家選對日法要皆在焉故附于此

右五行

焦氏易林十六卷

晁氏曰漢天水焦延壽傳易於孟喜此其所著書也費直題其前曰六十四卦變又有唐渝王序所書每卦變六十四總四千九十六首皆為韻語與左氏傳載鳳凰于飛和

鳴鑿鑿漢書所載大橫庚子爲天王之語絕相類豈古  
之卜者各有此等書耶

石林葉氏曰吾家有焦貢易林京房易二書大抵皆卜筮  
陰陽氣候之言不復更及易道考之班固儒林傳漢初傳  
易大抵皆本之而何曰焦貢獨得隱士之說以授京房貢  
嘗從孟喜問易會喜死房卽以其學出孟氏其徒翟牧白  
生不肯皆曰非也然孟喜雖授學田王孫至其候陰陽災  
變言田生死時枕喜膝獨傳喜其實妄也故梁丘賀辨以  
爲田生絕施讎手中時喜歸東海無此事則二氏書其源  
流固無所本縱焦貢書出孟氏固謬矣如趙賓說箕子明  
夷爲箕子者萬物方亥茲也云受於喜爲喜爲名之則喜  
乃妄人而已

陳氏曰又名大易通變唐會昌景寅越五雲谿王俞序凡

四千九十六卦其辭假出於經史其意推通於神祇蓋一  
卦可以變六十四也舊見沙隨程迥所記南渡諸人以易  
林筮國事多奇驗求之累年寶慶丁亥始得之莆田皆韻  
語古雅頗類左氏所載繇辭或時援引古事間管筮之亦  
驗頗恨多脫誤嘉熙庚子從湖守王寺丞侑借本兩相校  
十得八九其中亦多重復或諸卦數文共一繇莫可考也

八神筮法二卷

晁氏曰以八卦世分六十四卦每卦首必云子夏云論易  
筮之吉凶

靈棋經二卷

晁氏曰漢東方朔撰又云張良劉安未知孰是晉顏幼明  
宋何承天注有唐李遠叙歸來子以爲黃石公書豈謂以  
授良者耶按南史載客從南來遺我良財寶貨珠璣金盃

經籍子  
王孟之繇則古之遺書也明矣凡百二十卦皆有繇辭  
靈龜經一卷

晁氏曰史蘇撰論龜兆之吉凶崇文目三卷

易傳積算法雜占條例一卷

陳氏曰漢京房撰詳已見易類世所傳京氏遺學不過如此而已今世卜者世應飛伏納甲之類皆出京氏

周易版詞一卷

陳氏曰不知名氏當是漢魏以前人所為其間官名皆東京制也

周易玄悞一卷

陳氏曰題李淳風撰

火珠林一卷

陳氏曰無名氏今賣卜者擲錢占卦盡用此書

撰著古法一卷

陳氏曰開封鄭克武子撰

著卦辨疑序三卷

陳氏曰郭雍撰自序略言學者相傳謂九為老陽七為少陽六為老陰八為少陰及觀乾爻稱九坤爻稱六則九六為陰陽蓋無疑也而六子皆稱九六不言七八則少陰少陽未有所據及考乾坤之策曰乾之策二百一十有六坤之策百四十有四六一則乾爻得二十六坤爻得二十四是則老陰老陽之數也又考二篇之策陽爻百九十有二以三十六乘之積六千九百十有二陰爻百九十有二以二十四乘之積四千六百八合之為萬有一千五百二十則二篇之策亦皆老陰老陽之數也而少陰少陽之數又無所見再置陽爻百九十有二以少陽二十八乘之積

五千三百七十六兩陰之百九十有二以少陰三千二  
乘之積六千一百四十四心之亦為萬有一千五百二十  
以是知少陰少陽之數隱於老陰老陽之中如是則七九  
皆為陽六八皆為陰其畫為奇為耦皆同聖人畫卦初未  
必以陰陽老少為異然卜史之家欲取動爻之後卦故分  
別老少之象與聖人畫卦之道已不同矣然七九為陽六  
八為陰蓋謂陰陽各有二道與說卦言立天之道曰陰與  
陽立地之道曰柔與剛其義皆同是道也以聖人不明載  
之繫辭後世紛紛互相矛盾至有大失聖人之意者大率  
多主卜史之論不知所謂策數遂妄為臆說也

朱子語錄曰揲著雖是一小事自孔子來千五百年人都  
理會不得唐時人說得雖有病痛大體理會得是近來說  
得大乖自郭子和始奇者揲之餘為奇拗者歸其餘初二

指之中今子和反以掛一為奇而以揲之餘為初又  
老少只用三十六三十二二十八二十四不知為策數以  
為聖賢從來只說陰陽不曾說老少不知他既無老少則  
七八九六皆無用又何以為卦又曰龜為卜策為筮筮  
餘數謂之策他只是胡亂說策字或問他既如此說則再  
拗而後掛之說何如曰他以第一揲拗為初第二第三揲  
不掛為初第四揲又掛然如此則無五年再閏如某已前  
排真个是五年再閏聖人下字皆有義理掛者挂也拗者  
勒於二指之中也

常勝經一卷

晁氏曰崇文目題曰黃帝式用蓋六壬占卜術也

六壬要訣一卷

晁氏曰未詳何人撰隋志載六壬之書兩種金鑿密記及

五代史記頗言其驗今世通筮道息而此術獨行

六壬課鈴一卷

晁氏曰未詳何人所纂以六十甲子加十二時成七百二十  
十三課三傳入神以占吉凶

玉關歌一卷

晁氏曰不題撰人六壬課訣也

六壬翠羽歌一卷

陳氏曰後唐長興中僧令岑撰錯誤極多未有它本可校

六壬洞微賦一卷

陳氏曰不知名氏瞽卜劉松年所傳

京氏參同契律曆志一卷

陳氏曰虞翻注專言占象而不可盡通字亦多誤未有別

本校

京氏易式一卷

陳氏曰晁說之以道撰

占燈法一卷 觀燈法一卷

晁氏曰唐李淳風撰崇文總目亦有之

右占筮

八五經一卷

晁氏曰序云黃帝書八五謂八卦五行雖後人依託而其  
辭亦馴雅相墓書也呂才葬篇以六說詰其不驗且云世  
人之為葬巫所欺忘擗踊荼毒以期徼幸由是相埒隴依  
官爵擇時日規財利誠哉是言也

陳氏曰序稱大將軍記室郭璞後序言余受郭公囊書數  
篇此居一公戒以秘之丞相王公盡索余書余以公言告  
之得免未稱太興元年六月蓋晉元帝時王公謂導也然

巫籍子

文獻通考卷三百二

十

皆依託耳其書為相墓作

狐首經一卷

陳氏曰不著名氏稱郭景純序亦依託也胡汝嘉始序而傳之其文亦雅馴言頗有理

續葬書一卷

陳氏曰稱郭景純撰鄙俗依託

青囊補注三卷

晁氏曰郭璞撰世傳葬書之學皆云無出郭璞之右者今盛行皆璞書也按璞傳載葬母事世傳蓋不誣矣璞未幾為王敦所殺若謂禍福皆係於葬則璞不應擇凶地以取禍若謂禍福有定數或他有以致之則葬地不必擇矣嗚呼璞自以其術尚如此况後遵其遺書者乎

撥沙經一卷

晁氏曰唐呂才撰地理書畫山水之形成圖畫依託者

本旨一卷

晁氏曰不記撰人演郭璞相墓青囊經也

洞林別訣一卷

尋龍入式一卷

晁氏曰江南范越鳳集郭璞所記諸家地理書得失為此書二十四篇并司空班尋龍入式歌附

陳氏曰又名洞林別訣范越鳳相傳縉雲人家于將樂

地理少一卷

陳氏曰稱李淳風亦未必然

會元經二十四卷

晁氏曰孫季常撰未詳何代人集諸家相地書及其鄙陋無驗者成是書

金鎖正要一卷

玄談經一卷

錦囊遺錄一卷

五行統例一卷

晁氏曰四書皆地理書也

五音地里新書三十卷

晁氏曰唐僧一行撰以人姓五音驗八山三十八將吉凶之方其學今世不行

地里口訣一卷

陳氏曰不知何人所集曰楊筠松曾楊乙黃禪師左仙朱仙桃范越鳳劉公賴太素張師姑王吉凡十家

楊公遺訣曜金歌并三十六圖象一卷

陳氏曰楊即筠松也又號楊救貧

神龍鬼砂一卷

羅星妙論一卷

九星賦一卷

陳氏曰題范公

陰陽精義二十篇

朱伯起撰水心序伯起從鄭公景望學而與景元為友酷嗜地皇談山如啖蔗浮海葬妻大芙蓉云後百年當驗著書二十篇論原起乘止尤詳二鄭因是喜陰陽家余嘗怪蘇公子瞻居陽羨而葬嵩山一身豈能應四方山水之求近時朱公元晦聽蔡季通預卜壽藏門人裹糧行緇六日始至乃知好奇者固通人大儒之常患也

龍髓經一卷

疑龍經一卷

辨龍經一卷

龍髓別旨一卷

九星祖局圖一卷

五星龍祖一卷

二十八禽星圖一卷

陳氏曰以上七種皆無名氏并前諸家多吳炎錄以見遺江西有風水之學往往人皆道之

三十二家相書三卷

是氏曰或集許有以三十二家書成此編

月波洞中記一卷

是氏曰序稱唐任道遠得之於太白山月波洞石壁上凡九篇相形術也崇文總目置之五行類

雜相書一卷

陳氏曰凡三十二種又有拾遺亦吳晦父所錄

成和子觀妙經一卷

陳氏曰不著名氏

希夷先生龜鑑一卷

陳氏曰逸人亳社陳搏圖南撰劉東國注館閣書目作人倫風鑒

袖中記一卷

是氏曰皇朝李鴻濬撰辨人形色知其壽夭吉凶

相書古鑒一卷

是氏曰未詳撰者姓名熙平間集書史相術驗者

諸家相書五卷

陳氏曰知莆田縣昭武黃庚毅夫撰集

玉管神照一卷

陳氏曰無名氏

相馬經

是氏曰伯樂撰

集馬相書一卷

是氏曰光祿少卿孫楚撰

相牛經一卷

是氏曰序曰審戒傳之百里奚漢世河西薛公得其書以相牛二百不失其一至魏世古尚堂生又傳晉宣帝其後秘

經

之

三



之細字薛公注也

相鶴經一卷

晁氏曰題曰浮丘公撰其傳云浮丘公傳於王子晉後崔文子學道於子晉得其文藏於嵩山之石室淮南公採藥得之乃傳於世

相貝經一卷

陳氏曰不知作者

師曠禽經一卷

陳氏曰稱張華注

右形法

文獻通考卷之二百二十七

文獻通考卷之二百二十一

宋鄱陽 馬 端臨 貴與 著

明蘄陽 馮 天馭 應房 校刊

經籍考 子 兵書

漢藝文志兵家者流蓋出古司馬之職在官之武備也洪範八政八曰師孔子曰為國者足食足兵以不教民戰是謂棄之明兵之重也湯武受命以師克亂而濟百姓動之以仁義行之以禮讓司馬法是其遺事也自春秋至於戰國出奇設伏變詐之兵並作漢興張良韓信序次兵法凡百八十二家刪取要用定著三十五家諸呂用事而盜取之武帝時軍政楊璞摺摭遺逸紀奏兵錄猶未能備至於孝成命任宏論次兵書為四種

漢志兵權謀十三家二百五十九篇

省伊尹太公管子孫卿馮冠于蘇子蒯通陸賈淮南

經籍子

文獻通考卷三百二十一

崇禎三年重刊

王二百五十九種出司馬法入禮也其權謀者以正守

國以奇用兵先計而後戰兼形勢包陰陽用技巧也

漢志兵形勢十一家九十二篇圖十八卷形勢者雷動風舉後發而先至離合背背

變化無常以輕疾制敵者也

漢志陰陽十六家二百四十九篇圖十卷陰陽順時而發掛刑德隨斗擊因五行相

勝假鬼神而為助也

右漢志兵考十三家百九十九篇首墨子重入者習手足便器械積機關以立攻守之勝者也技巧兵書五十三家七百九十篇圖四十三卷

容齋洪氏隨筆曰漢成帝命任宏論次其書為四種其權

謀中有韓信三篇形勢中有項王一篇前後藝文志載之

且云漢興張良韓信序次兵法凡百八十二家刪取要用

定著三十五家諸呂盜取之項韓雖不得其死而遺書可

傳於後者漢世不廢今不可復見矣

隋志一百三十三部五百一十二卷

兵志二十三家六十部三百一十九卷失姓名十四家李峯以不著錄二十五家一

宋三朝志一百八十二部五百五十三卷

宋兩朝志三十二部一百二十七卷

宋四朝志九十七部八百二十八卷

宋中興志九十二家一百丹七部一千七十四卷

六韜六卷

晁氏曰周呂望撰按漢藝文志無此書梁隋唐始著錄分

文武龍虎豹犬六目兵家權謀之書也元豐中以六韜孫

子吳子司馬法黃石公三略尉繚子李衛公問對頒行武

學令習之號七書云按兵法漢成帝常命任宏分權謀刑

勢陰陽技巧為四種今又有卜筮政形之說蓋在四種之

外矣

至晉子 兵志二十三家六十部三百一十九卷 二

高氏子略曰詩曰維師尚父時維鷹揚諒彼武王肆伐大  
商會朝清明鄭康成稱其天期已至兵甲之彊帥卒之武  
故今伐商合兵以清明也牧誓曰時甲子昧爽王朝至于  
商郊牧野與詩合也武王之問太公曰何以知人心王時  
寢疾太公資而起之曰行迫矣勉之武王乃駕鷲實之車  
周旦為之御至于孟津六黃參連弩大才扶骨車戰飛鳧  
赤莖白羽電影青莖亦羽以銅為首副方頭鐵鎚一重八斤  
以銅為首電影也畫則為光夜則為星  
鐵行馬廣二丈渡溝飛橋闊五丈轉鷹爪方凶鐵把七尺  
長  
天陣日月斗杓杓一左一右地陣右前後之利人陣馬  
一仰一背比為天時  
武積楹臨衝攻雲梯飛樓中視城也武衝大櫓所帶雲物萬炬  
中  
吹鳴孤審此則康成所曰兵甲之彊師卒之武為可攷  
歟亦詩所謂檀車煌煌駟驪彭彭者也又攷諸武王曰殷  
可伐乎太公曰天與不取又受其咎武王又曰諸侯已至

十民何如太公曰大道無親何急於元上武王又曰民中  
未安賢者未親何如太公曰無故無親如天如地其言甚  
有合於書者詩之上章曰保右命爾燮伐大商上帝臨之  
無貳爾心此之謂也

周氏涉筆曰謂太公為兵家之祖自漢人已然本無所稽  
僅以陰符有託而云爾太公遇文王事尚未足信况談兵  
哉周詩鷹揚外無他語周公曰惟文王尚克修和我有夏  
亦惟有若虢叔有若閔天有若泰顛有若南宮括武王惟  
茲四人尚迪有祿後暨武王誕將天威咸劉厥敵惟茲四  
人昭武王惟冒丕單稱德向使太公主柄伐商身為大將  
周公其遺之乎六韜不知出何時其屑屑共議以家取國  
以國取天下殆似丹徒布衣太原官監所經營者史記載  
君臣各把鉞斷首懸旗以後人臆記非實也歸賂免囚好

事爲之而此書因著文伐十二節陰賂左右輔其淫樂養其亂臣與韓非所云納實仲奉玉版并爲一論蓋文武周召之一厄也管子書載湯結女華以爲陰事曲逆以爲陽戰國諸子窺測古聖妄誕率類此太公舉賢尚功周公知其有篡弒之臣亦是後人妄以見事附合而諸子因記殺華仕謂周公馳往救之踈繆可笑此書有上賢篇則六賊七害指抗志高節輕爵位賤有司語無爲言無欲虛論高議窮居靜處條居太半全與暴亂同科按武王既定天下其詩曰日靖四方其書曰無有作惡當不單稱德之世而紛然懸賞罰募功名不知將何出也此書並緣吳起漁獵其詞而綴緝以近代軍政之浮談淺駁無可施用蓋吳起武侯真答問也故問者當其形對者應其實至於料六國形勢所當出百代之下猶可想像而此書問答徒效之也

故務廣不務精語脉皆不相應讀者宜熟察也

陳氏曰其辭鄙俚世俗依託也

水心葉氏曰自龍韜以後四十三篇條畫變故預設方禦皆爲兵者所當講習孫子之論至深不可測而此四十三篇繁悉備舉似爲孫子義疏也其書言避正殿乃戰國後事固當後於孫子論將有十過近於五危戰車十死戰騎士十敗與行軍九地相出入其勵軍言禮將刀將止欲練士各聚卒教戰成三軍又本於吳起然則孫吳固兵家所師用至莊周亦稱九徵則真以爲太公所言矣然周嫚侮爲方術者而不悟六韜之非僞何也蓋當時學術無統諸子或妄相詆訾或偶相崇出於率爾豈足據哉

司馬法三卷

晁氏曰齊司馬穰苴撰威王使大夫追論古者司馬兵法

而附穰苴於其中因號司馬兵法司馬遷謂其書闕廓深  
遠雖三代征伐未能竟其義如其文近亦少褒矣穰苴為  
區區小國行師何暇及司馬兵法之揖讓乎

陳后山擬御試武舉策曰臣聞齊威王使其大夫追論古  
者司馬兵法附以先齊大司馬田穰苴之說號曰司馬穰  
苴兵法夫所謂古者司馬兵法周之政典也所謂穰苴兵  
法太史遷之所論今博士弟子之所誦說者也昔周公作  
政典司馬守之以佐天子平邦國而正百官均萬民故征  
伐出于天子及上廢其典下失其職而周衰矣故征伐出  
于諸侯典之用舍興壞係焉遷徒見七國楚漢之戰以詐  
勝而身固未嘗行道也遂以仁義為虛名而疑三代以文  
具可謂不學矣史稱遷博極群書而其論如此所謂雖多  
奚為者也臣謹按傳記所載司馬法之文今書皆無之則

亦非孫之全書也然其書曰禮與法表裏文與武左右  
三設人以安人殺之可也攻其國愛其民攻之可也以戰  
必較雖戰可也又曰冬夏不興師所以兼愛民此先王之  
政何所難乎至其說曰擊其疑加其卒致其屈襲其規此  
穰苴之所知也漢之所行遷之所見而謂先王為之乎

魏武注孫子一卷

晁氏曰吳孫武撰魏武帝注按漢藝文志孫子兵法八十  
二篇今魏武所注止十三篇杜牧以為武書數十萬言魏  
武削其繁剩筆其精粹成此書云其序略曰吾讀兵書戰  
策多矣武所著深矣

水心葉氏曰按司馬遷稱孫子十三篇兩言之而班固志  
藝文乃言孫吳子兵法八十二篇又吳起四十八篇而今  
吳起六篇而已又今中庸一篇而志稱四十九篇豈昔所

謂篇者特章次之比非合辭善也然遷時已稱十三篇而  
劉歆班固在其後及著八十二篇以次攻用間考之疑孫  
子亦有未盡之書然此爲文字多少其不存者自不足論  
遷載孫武齊人而用於吳在闔廬時破楚入郢爲大將按  
左氏無孫武他書所有左氏不必盡有然類考叔曹劌燭  
之武鱗設諸之流微賤暴用事左氏未嘗遺而武功名章  
灼如此乃更闕又同時伍員宰嚭一一銓次乃獨不及武  
耶詳味孫子與管子六韜越語相出入春秋末戰國初山  
林處士所爲其言得用於吳者其徒夸大之說也自周之  
盛至春秋凡將兵者必與聞國政未有特將於外者六國  
時此制始改吳雖蠻夷而孫武爲大將乃不爲命卿而左  
氏無傳焉可乎故凡謂穰苴孫武者皆辨士妄相標指非  
事實其言闔廬試以婦人尤爲奇險不足信

高氏子略曰周衰制壞法蕩政不克綱強弱潰凌一趨於  
武侈兵圖霸干戈相尋甚可畏也其間謀師折帥命意立  
制猶知薦禮信尚訓齊庶幾三代仁義之萬一焉耳殊未  
至於毒也兵流於毒始於孫武乎武稱雄於言兵往往舍  
正而鑿奇背義而依詐凡其言反覆其變無常智術相高  
氣驅力奪故詩書所述韜匱所傳至此皆索然無遺澤矣  
先儒曰無以學術殺天下後世是猶言學者也吳越交兵  
勝負未決武居其間豈無所以爲強吳勝越者二十年間  
闔廬旣以戰死大差旋喪其國方是時武之言兵亦知爲  
吳計而已成敗興亡易如反掌固無待於殺天下後世兵  
其可以智用歟  
陳氏曰世之言兵者祖孫武然孫武事吳闔廬而不見於  
左傳不知果何時人也

李荃注孫子三卷

晁氏曰唐李荃注以魏武所解多誤約歷代史依遁甲注成三卷

杜牧注孫子三卷

晁氏曰唐杜牧牧之注牧以武書大略用仁義使機權曹公所注解十不釋一蓋惜其所得自為新書爾因備注之世謂牧慨然最喜論兵欲試而不得者其學能道春秋戰國時甚博而詳知兵者有取焉

陳皞注孫子三卷

晁氏曰唐陳皞撰皞以曹公注隱微杜牧注闊踈重為之注云

紀燮注孫子三卷

晁氏曰唐紀燮集唐孟氏賈林杜佑三家所解

梅聖俞注孫子三卷

晁氏曰皇朝梅堯臣聖俞注歐公為之序

歐陽氏序曰世所傳孫武十三篇多用曹公杜牧陳皞注號三家孫子余頃與撰四庫書目所見孫子注者尤多有至二十餘家五字武之書本於兵兵之術非一而以不窮為奇宜其說者之多也凡人之用智有短長其施設各異故或膠其說於偏見然無出所謂三家者三家之注皞最後其說於詩攻牧之短牧亦慨然最喜論兵欲試而不得者其學能道春秋戰國時事甚博而詳然前世言善用兵稱曹公嘗與董呂諸將角其力而勝之遂與吳蜀分漢而王傳言魏之諸將出兵千里公每坐計勝敗授其成策諸將用之十不失一何道者兵輒敗北故魏世用兵悉以新書從事其精於兵也如此牧謂曹公於注孫子尤略蓋惜其

所得自為一書是曹公悉得武之術也然武嘗以其術干吳王闔閭用之西破楚北服齊晉而霸諸侯夫使武自用其書止於當霸又曹公用之然亦終不能滅吳蜀豈武之術盡於此乎抑用之不極其能也後之學者徒見其書又各牽於已見是以注者雖多而少當也獨吾友聖俞不然常評武之書曰此戰國相傾之說也三代王者之師司馬九師之法武不及然亦愛其文略而意深其行師用兵料敵制勝亦皆有法其言甚有次序而注者汨之或失其意乃自為注凡膠於偏見者皆挾一作去傳以已意而發之然後武之說不汨而明吾知此書當與三家並傳而後世取其說者往往於吾聖俞多焉聖俞為人謹質溫恭仁厚而明衣冠進趨眇然儒者也後世之視其書者與六史公疑張子房為社夫何異

朱子語錄曰歐公大段推許聖俞所注孫子看得來如何得似杜牧注底好

王哲注孫子三卷

晁氏曰皇朝王哲注哲以古本校正闕誤又為之注仁廟時天下久承平人不習兵元昊既叛邊將數敗朝廷頗訪知兵者士大夫人人言兵矣改本朝注解孫武書者大抵皆其時人也

何氏注孫子三卷

晁氏曰未詳其名近代人也

吳子三卷

晁氏曰魏吳起撰言兵家機權法刑之說唐陸希聲類次為之說料敵治兵論將變化勵士元六篇

高氏子略曰讀吳子真說與孫武截然其不相侔也起



之書幾乎正武之書一也言吳之書尚禮義明教訓或有  
得於司馬法者武則一切戰國馳騁戰爭奪謀逞詐之術  
耳武侯浮西河下中流喟然嘆曰美哉山河之固魏之害  
也起言之曰在德不在險德之不修舟中之人盡敵國也  
斯言之善實於經求之古奚慚焉反覆此編則所教在禮  
夫以湯武仁義律之起誠有間求之齊魯晉衛秦楚之論  
兵者起庶幾乎

黃石公三略三卷

晁氏曰題曰黃石公上中下三略其書論用兵機權之妙  
嚴明之決明妙審決軍可以死易生可以存易亡經緯志  
云下邳神人撰世傳此即圯上老人以一編書授張良之  
陳氏曰其書傳會依託也  
西山真氏序曰三略先書雖非鷹揚翁自作要必其

法予嘗深味之其言治國養民法度與儒者指意不悖而  
歛藏退守不為物先之意則黃老遺言也子房號稱善用  
兵然最所得者不過與物推移變化無方因敵轉化動而  
輒隨數語耳以此推之則今傳於世者子房所受書也

尉繚子五卷

晁氏曰未詳何人書論兵主刑法按漢藝文志有二十九  
篇今逸五篇首篇稱梁惠王問意共魏人歟  
陳氏曰六國時人按漢志雜家有二十九篇兵刑勢家又  
有三十一篇今書二十二篇未知果當時本書否  
周氏涉筆曰尉繚子言兵理法兼盡然於諸令督責部伍  
刻矣所以為善者能分本末別賓主所謂高之以廊廟之  
論重之以受命之論銳之以踰垠之論廊廟本也受命所  
以授也凡諸令所云將事也踰垠之論爾視孫子專篇論

火攻吳起武侯織碎講切蓋從容有餘矣人主崇儉務本均田節歛明法稽驗爲之主本無蔓獄無留刑故曰兵凶器爭逆德事必有本以武爲植以文爲種武爲表文爲裏文視利害辨安危武犯強敵力攻守不攻無過之城不殺無罪之人夫殺人之父兄利人之財貨臣妾人之子女此皆盜也其說雖未純王政亦可謂窺本統矣古者什伍爲兵有戰無敗有死無逃自春秋戰國來長募旣行動輒驅數十萬人以赴一決然後有逃亡不可禁故尉繚子兵令於誅逃尤詳世傳張魏公建壇拜曲端爲大將端首問魏公見兵幾何魏公曰八十萬人端曰須是斬了四十萬人方得四十萬人用端所言果如是固覆軍失地殺身之道也夫分數豈專在殺哉此念薰蒸決不能興起輯睦吸引安祥而尉繚子亦云善川兵者能殺卒之半其次殺其十

三其下殺其十一能殺其半者威加海內殺十三者力加諸侯殺十一者令行士卒筆之於書以殺垂教孫吳却未有是論也

張橫渠注尉繚子一卷

晁氏曰皇朝張載撰其辭甚簡蚤年喜談兵後謁范文正文正愛其才勸其學儒載感悟始改業此殆少作也

武侯十六策一卷

晁氏曰蜀諸葛亮孔明撰序稱謹進便宜十六事一治國二君臣三視聽四納言五察疑六治民七舉措八考黜九治軍十賞罰十一喜怒十二治亂十三教令十四斬斷十五思慮十六陰察陳壽錄孔明書此策疑依託者

庾袞保聚圖一卷

晁氏曰晉庾袞撰晉書孝友傳載袞字叔褒齊王冏之倡

經籍

文獻通考卷三百三十一

十

崇禎三年重刊

義也張泓等掠陽翟率衆保禹山泓不能犯此書序云  
大駕遷長安時元康三年巳酉撰保聚壘議二十篇按罔  
之起兵惠帝永寧元年也帝遷長安永興元年也皆在元  
康後且二年歲次實癸丑今云巳酉皆誤

李衛公問對三卷

晁氏曰唐李靖對太宗問兵事史臣謂李靖兵法世無完  
書略見於通典今對問出于阮逸家或云逸因杜氏附益  
之

陳氏曰亦假託也文辭淺鄙尤甚今武舉以七書試士謂  
之武經其間孫吳司馬法或是古書三略尉繚子亦有可  
疑六韜問對偽妄明白而立之學官置師弟子伏而讀之  
未有言其非者何也何蘧春渚紀聞言其父去非爲武學  
博士受詔校七書以六韜問對爲疑白司業朱服服言此

書行之已久未易遽廢遂止後爲徐州教授與陳師道爲  
代師道言聞之東坡世所傳王通元經關子明易傳及李  
靖問對皆阮逸僞撰逸嘗以草示奉常公云奉常公者老  
蘇也

按四朝國史兵志神宗熙寧間詔樞密院曰唐李靖兵  
法世無全書雜見通典離析譌舛又官號物名與今稱  
謂不同武人將佐多不能通其意今樞密院檢詳官與  
王震曾敍王白郭逢原等校正分類解釋今今可行豈  
卽此問答三卷耶或別有其書也然晁陳二家以爲阮  
逸取通典所載附益之則卽此書然神宗詔王震等  
校正之說旣明見於國史則非逸之假託也

郭元振安邊策三卷

晁氏曰唐郭元振撰以總兵進攻聚衆退守不可無權謀

乃若此書故舊題曰定遠安邊策

李臨淮武記

晁氏曰唐李光弼撰其書凡一百二章末云呂望志廓而遠孫武思幽而密黃石寬而重斷吳起嚴而貴勇墨翟守而無攻老聃勝而不美今擇其精要雜以愚識為一家書一本題曰統軍靈轄寶秘策或云光弼從事張參所纂

闕外春秋十卷

陳氏曰唐少室山布衣李筌撰起周武王勝殷止唐太宗擒竇建德明君良將戰爭攻取之事天寶二年上之

風后握奇經一卷

陳氏曰宋嘉薛士龍季宣校定自晉馬隆三百八十四字續圖三百十五字合標題七百字又有馬隆讚述多所發明并寫陳圖於後馬隆本奇作機

高氏子略曰風后握奇經三百八十四字其妙本乎奇正相生變化不測蓋潛乎伏羲氏之畫所謂天地風雲龍鳥蛇虎則其為八卦之象明矣蓋注奇讀如奇耦之奇則尤可與易準諸儒多稱諸葛武侯八陣唐李衛公六花皆出乎此唐裴緒之論又以為六十四卦之變其出也無窮若此則所謂八陣者八卦之統爾焦氏易學卦變至于四千九十有六奇正相錯變化無窮是可以名數該之乎然觀太公武韜且言牧野之師有天陣有地陣此固出於握奇而又有入陣焉此又出於天地之外者非八陣六花所能盡也獨孤及作風后八陣圖記有曰黃帝順煞氣以作兵法文昌以命將風后握機制勝作為陣圖故八其陣所以定位衡抗於外軸布於內風雲負其四維所以備物也虎張翼以進蛇向敵而蟠飛龍翔鳥上下其勢所以致用也



至若疑兵以固其餘地遊軍以按其後列門具將發然後  
合戰弛張則二廣迭舉犄角則四奇皆出圖成樽俎帝用  
經略北逐獯鬻南平蚩尤遺風冥冥神機未昧項籍得之  
霸王楚黥布得之奄九江孝武得之攘匈奴唐天寶中客  
有得其遺制於黃帝書之外篇裂素而圖之按魚復之圖  
全本於握機噴其妙窮其神者武侯而已獨孤乃以為項  
黥武帝得之未之思歟

人事軍律三卷

晁氏曰皇朝符彥卿撰其序言兵者多雜以陰陽殊不知  
往亡宋捷甲子胡興鷲入梟集翻成吉兆故此但述人事  
云或以為唐燕僧利正撰

神武秘略十卷

晁氏曰皇朝仁宗御撰纂古今兵書戰策及舊史成敗之

通類權謀形勢陰陽技巧凡四門三十篇

二朝武經聖略十卷

晁氏曰皇朝曾公亮丁度撰寶元中西邊用兵朝廷講武  
備是時洙奉詔編祖宗仁將用兵邊防事迹分二十門  
陳氏曰凡十七門後五卷為奏議中興書目云十卷李淑  
書目十五卷今本與部錄卷數同

武經總要四十卷

晁氏曰皇朝曾公亮丁度撰康定中朝廷恐群帥昧古今  
之學命公亮等采古兵法及本朝計謀方略凡五年奏御  
制度十五卷邊防五卷故事十五卷占候五卷御為製序  
吳巖李氏曰昔杜君卿取別世用兵故事分一百三十餘  
門編入通典國朝脩武經總略亦承用之但微有附益耳

百將傳十卷

通鑑子

通鑑子

通鑑子

晁氏曰皇朝張預公立撰預觀歷代將兵者所以成敗莫不與孫武書相符合因擇良將得百人集其傳成一書而以武之兵法題其後上之

陳氏曰每傳必以孫武兵法斷之  
兵要望江南一卷

晁氏曰題云黃石公以授張良者按其書雜占行軍吉凶寓於望江南詞取其易記  
總目云武安軍左狎衙易靜撰蓋唐人也

倚馬立成法二卷

晁氏曰唐李淳風撰兵行占  
既之書也淳風太宗時人而此書起九宮法至貞元六年庚午假託以行其書耳非淳風本真也

三略素書解一卷

陳氏曰呂惠卿吉甫撰

熙寧收復熙河陣法三卷

陳氏曰觀文殿學士九江王韶子純撰

武經龜鑑二十卷

陳氏曰保平軍節度使王彥撰隆興御製序其書以孫子十三篇為主而用歷代事證之

渭南秘訣一卷

陳氏曰昭武謝淵得之於瀘州蓋武侯八陣圖法也為之注釋而傳於世

補漢兵制一卷

陳氏曰錢文子撰

西漢兵制一卷

陳氏曰建安王哈答之撰

制勝方略三十卷

陳氏曰脩武郎楊肅德欽撰自左氏傳而下迄于陳隋用  
兵事迹慶元丁巳序

漢兵論一卷

辨疑一卷

陳氏曰姑蘇潘夢旂天錫撰

修城法式條約二卷

陳氏曰判軍器監沈括知監丞呂和卿等所修敵樓馬面  
團敵式樣并申明條約熙寧八年

文獻通考卷之二百二十一

文獻通考卷之二百二十二

宋鄱陽馬端臨貴與著

明新陽馮天馭應房校刊

經籍考子醫家

漢藝文志醫經者原人血脉經絡骨髓陰陽表裏以起百

病之本死生之分而用度箴石湯火所施師古曰箴所以

石即石箴也古者政病則有破今其耐絕矣調百藥齊和之所宜至齊之得音齊

劑猶磁石取鐵以物相使拙者失理以瘡為劇以生為死

漢志醫經七家二百一十六卷

經方

漢藝文志經方者本草石之寒溫量疾病之淺深假藥味

之滋因氣感之宜辨五苦六辛致水火之齊以通閉解結

反之於手及失其宜者以熱益熱以寒增寒精氣內傷不

經籍考子醫家

見於外是所獨失也故諺曰有病不治常得中醫

漢志經方十一家二百七十四卷

隋志醫方二百五十六部四千五百一十三卷

唐志明堂經脉類一十六家三十五部二百三十一卷失姓名十六家

魏備以下不著錄二家七卷

唐志醫術六十四家一百二十部四千四十六卷失姓名三十家王方慶

以下著錄五十五家四百八卷

宋三朝志經脉四十六部一百四十卷醫術一百九十一部二

千九十九卷

宋兩朝志經脉二十九部四十五卷醫術八十四部二百二十

六卷

宋四朝志三十六部二百九卷

宋中興志一百七十九家二百九部一千二百五十九卷

黃帝素問二十四卷

晁氏曰昔人謂素問者以素書黃帝之問猶言素書也唐王冰注冰謂漢藝文志有黃帝內經十八卷素問即其經之九卷兼靈樞九卷廼其數焉先是第七亡逸冰時始獲乃詮次注釋凡八十一篇分二十四卷今又亡刺法本論二篇冰自號啓玄子醫經之傳于世者多矣原百病之起瘡者本乎黃帝辨百藥之味性者本乎神農湯液則稱伊尹三人皆古聖人也憫世疾苦親著書以垂後而世之君子不察乃以為賤技恥習之由此故今稱醫者多庸人治之失理以生為死者甚衆激者至云有病不治常得中醫豈其然乎故予錄醫頗詳隋志以此書為首今從之

陳氏曰黃帝與岐伯問荅三墳之書無傳尚矣此固出於後世依託要是醫書之祖也唐太僕令王冰注自號啓玄



子按漢書但有黃帝內外經至隋志乃有素問之名又有  
全元起素問注八卷嘉祐中光祿卿林億國子博士高保  
衡承詔校定補注亦頗采元起之說附見其中其為篇八  
十有一王砮者寶應中人也

靈樞經九卷

晁氏曰王砮謂此書即漢志黃帝內經十八卷之九也或  
謂好事者於皇甫謐所集內經倉公論中抄出之名為古  
書也未知孰是

呂楊注八十一難經五卷

晁氏曰秦越人撰吳呂廣注唐楊玄操演越人渤海人家  
於盧授桑君秘術明洞醫道世以其與黃帝時扁鵲相類  
乃號之為扁鵲采黃帝內經精要之說凡八十一章以其  
為趣深遠未易知故名難經玄操編次為十三類

陳氏曰漢志亦但有扁鵲內外經而已隋志始有難經  
志遂屬之越人皆不可考難當作去聲讀

丁德用注難經五卷

晁氏曰德用以楊玄操所演甚失大義因改正之經文隱  
奧者繪為圖德用濟陽人嘉祐末其書始成

陳氏曰序言大醫令呂廣重編此經而楊玄操復為之註  
覽者難明故為補之且間為之圖首篇為診候最詳凡二  
十四難蓋脉學自扁鵲始也

虞慶注難經五卷

晁氏曰王朝虞慶注慶仁壽人寓居漢嘉少為儒已而棄  
其業習醫為此書以補呂楊所未盡黎泰辰治平間為之  
序

金匱玉函經八卷

晁氏曰漢張仲景撰晉王叔和集設答問雜病形證脈理參以療治之方仁宗朝王洙得於館中用之甚効合二百六十二方

陳氏曰林億等校正此書王洙於館閣蠹簡中得之曰金匱玉函要略方上卷論傷寒中論雜病下載其方并療婦人乃錄而傳之今書以逐方次於證候之下以便檢用其所論傷寒文多節略故但取雜病以下止服食禁忌二十五篇二百六十二方而仍其舊名

### 仲景傷寒論十卷

晁氏曰漢張仲景述晉王叔和撰次按名醫錄云仲景南陽人名機仲景其字也舉孝廉官至長沙太守以宗族二百餘口建安紀年以來未及十稔死者三之二而傷寒居其七乃著論二十二篇證外合二百九十七法一百一十

二方善醫者或云仲景著傷寒論誠不刊之典然有大人之病而無嬰孺之患有北方之藥而無南方之治此其所闕者蓋陳蔡以南不可用柴胡白虎二湯治傷寒其言極有理

陳氏曰其文辭簡古奧雅又名傷寒卒病論凡一百一十二方古今治傷寒者未有能出其外者也

### 脈經三卷

晁氏曰題云黃帝撰論診脈之要凡二十一篇

### 王叔和脈經十卷

晁氏曰晉王叔和撰按唐甘伯宗名醫傳曰叔和西晉高平人性度沉靖博通經方精意診處尤好著述其書纂岐伯華陀等論脈要訣所成敘陰陽表裏辨三部九候分人迎氣口神門條十二經二十四氣奇經八脈五藏六腑三

焦四時之病纖悉備具咸可按用凡九十七篇皇朝林億等校正

脉訣一卷

晁氏曰題曰王叔和皆歌訣鄙陋之言後人依託者歟最行于世

脉訣機要三卷

脉要新括一卷

陳氏曰通真子撰不著名氏熙寧以後人也以叔和脉訣有窳疏鄙俗處疑非叔和作以其不類故也乃作歌百篇按經為注又自言常為傷寒括要六十篇其書未之見

巢氏病源候論五卷

晁氏曰隋巢元方等撰元方大業中被命與諸醫共論衆病所起之源皇朝舊制監局用此書課試醫生昭陵時詔校本刻牘頒行宋綬為序

陳氏曰元方隋大醫博士其書惟論病證不載方藥今按千金方諸論多本此書業醫者可以參考

雷公炮炙三卷

晁氏曰宋雷斅撰胡洽重定述曰藥性味炮熬炙之方其論多本之於乾寧晏先生數冊內究守國安正公當是官名未詳

天元玉策三十卷

晁氏曰啓元子撰即唐王冰也書以推五運六氣之變唐人博物志云冰仕至太僕今年八十餘以壽終

金寶鑑三卷

晁氏曰衛高舉高士至翰林博士崇文總目云不詳何代人述脉候微驗安妙之理

醫藏暢微論三卷

醫藏暢微論三卷

醫藏暢微論三卷

五

晁氏曰五代軒轅述撰河霞君作寶藏論二篇著變煉金石之訣既詳其未善因刊其謬誤增其闕漏以成是書故曰暢微時年九十實乾亨二年也

晁氏曰徽宗皇帝御製因黃帝內經採天人之隨原性命之理明榮衛之清濁究七八之盛衰辨逆順之盈虛為書十篇凡四十二章

陳氏曰辟廡學生昭武吳規注

通真子傷寒訣一卷

晁氏曰題曰通真子而不注名氏用張長沙傷寒論為歌詩以便覽者脉訣之類也

醫門玉髓一卷

陳氏曰不知作者皆為歌訣論五藏六腑相傳之理

傷寒百問三卷

晁氏曰題曰無求子大觀初所著書

醫經正本書一卷

陳氏曰知進賢縣沙隨程迥可久撰專論傷寒無傳染以救薄俗骨肉相棄絕之敝

運氣論奧三卷

晁氏曰宋朝劉温舒撰温舒以素問氣運最為治病之要而答問紛揉文辭古奧讀者難知因為三十論一本七圖上于朝

五運指掌賦圖一卷

陳氏曰葉玠撰

脉粹一卷

晁氏曰宋朝蕭世基撰世基常閱素問及歷代醫經患其

經籍子

文獻通考卷三百七

六

難知因綴緝成一編治平中姚誼序之  
南陽活人書二十卷

晁氏曰宋朝朱肱撰序謂張長沙傷寒論其言雅奧非精於經絡者不能曉會頃因投閑設其對問補苴綴緝僅成卷軸作於己巳成于戊子計九萬一千三百六十八字  
陳氏曰肱以仲景傷寒方論多以類聚為之問答本號無求于傷寒百問方有武夷張藏作序易此名仲景南陽人而活人者本華陀語肱吳興人秘丞臨之子中書舍人服之弟登第仕至朝奉郎直祕閣

傷寒微旨論二卷

陳氏曰不著作者序言元祐丙寅必當時名醫也其書頗有發明

傷寒證治三卷

晁氏曰宋朝王寔編宣謂百病之急無踰傷寒故取經中名法及世名醫之言為十三篇總方百四十六首或云頰州人官至外郎龐安常之高第也

傷寒救俗方一卷

陳氏曰寧海羅適正之尉桐城民俗惑巫不信藥因以藥施人多愈遂以方書召醫參校刻石以拯迷俗紹興中有王世臣彥輔者序之以傳

補注神農本草二十卷

晁氏曰宋朝掌禹錫等補注舊說本草經神農所作而藝文志所不載平帝紀詔天下舉知方術本草者本草之名蓋起於此梁之錄載神農本草三卷書中有後漢郡縣名蓋上世未著文字師學相傳至張機華佗始為編述嘉祐初詔禹錫與林億蘇頌張洞等為之補注以開寶本草及

諸家參校采拾遺逸刊定新舊藥合一千八十二種總二  
十卷

大觀本草三十一卷

陳氏曰唐慎微撰不知何人仁和縣尉艾晟作序名曰經  
史證類本草按本草之名始見漢書平帝紀樓護傳舊經  
止一卷藥三百六十五種陶隱居增名醫別錄亦三百六  
十五種因注釋為七卷唐顯慶又增一百十四種廣為二  
十卷謂之唐本草開寶中又益一百三十三種蜀孟昶又  
嘗增益謂之蜀本草及嘉祐中掌禹錫林億等重加校正  
更為補注以朱墨書為之別凡新舊藥一千八十二種蓋  
亦備矣今謹微頗復有所增益而以墨蓋其名物之上然  
亦殊不多也

石林葉氏曰神農本草初但三卷所載甚略議者攷其記

山產郡名以為東漢人所作梁陶隱居始增修為七卷然  
陶氏不至東北其論證多謬語唐顯慶中蘇恭請重修於  
是命長孫無忌等廣定遂為二十卷亦未盡也自是偽蜀  
韓保昇與術家各自補緝辨證者不一開寶中別加詳定  
嘉祐初復詔掌祕監禹錫蘇魏公諸人再論次遂大備蓋  
神農本草外雜取他書凡十六家云

圖經本草二十卷目錄一卷

晁氏曰宋朝蘇頌等撰先是詔掌禹錫林億等六人重校  
神農本草累年成書奏御又詔郡縣圖上所產藥本用未  
減故事重命編述於是頌再與禹錫等哀集眾說類聚銓  
次各有條目云嘉祐六年上

類證本草三十二卷

晁氏曰皇朝唐慎微纂合兩本草為一書且集書傳所記

暉方附之於本條之下殊為詳博

本草廣義二十卷

晁氏曰皇朝寇宗奭編以本草二部著撰之人或執用已  
法失於商確併考諸家之說參之事實覈其情理證其脫  
誤以成此書

陳氏曰其書引援辨證頗可觀米

紹興校定本草二十二卷

陳氏曰醫官王繼先等奉詔撰紹興二十九年上之刻校  
脩內司每藥為數語辨說淺俚無高論

子午經一卷

晁氏曰題云扁鵲撰論鍼砭之要成歌詠蓋後人依托者

銅人針灸圖三卷

晁氏曰皇朝皇惟德撰仁宗嘗詔惟德考次鍼灸之法鑄

銅人為式分腑臟十二經旁注俞穴所會刻題其名并為  
圖法并主療之術刻板傳于世夏竦為序明堂者謂雷公  
問道黃帝授之故名云

明堂針灸圖三卷

晁氏曰題曰黃帝論人身俞穴及灼灸禁忌

存真圖一卷

晁氏曰皇朝楊介編崇寧間泗州刑賊於市郡守李夷行  
遣醫併畫工往親決膜摘膏肓曲折圖之盡得纖悉介校  
以古書無少異者比歐希範五臟圖過之遠矣實有益醫  
家也王莽時捕得翟義黨王孫慶使太醫尚方與巧屠共  
剝剝之量度五臟以竹筵導其脉知所始終云可以治病  
亦是此意

膏肓灸法二卷

陳氏曰清源莊綽季裕集

點烙三十六黃經一卷

晁氏曰不著撰人唐世書也國史補云自茗飲行於世世人不復病黃痺

肘後百一方三卷

陳氏曰晉葛洪撰梁陶隱居增補本名肘後救卒方率多易得之藥凡八十六首陶併七首加二十二首共為一百一首取佛書人有四大一大輒有一百一病之義名之

千金方三十卷

晁氏曰唐孫思邈撰思邈博通經傳洞明醫術著用藥之方診脈之訣針灸之穴禁架之法以至導引養生之要無不周悉後世或能窺其一二未有不為名醫者然議者頗恨其獨不知傷寒之數云

陳氏曰自為之序名曰千金備急要方以為人命至重貴千金一方濟之德踰於此其前類例數十條林億等

纂

千金翼方三十卷

晁氏曰思邈著千金方復掇集遺軼以羽翼其書成一家之言林億等謂首之以藥錄次之以婦人傷寒小兒養性辟穀退居補益雜病瘡癰色脈針灸而禁經終焉者皆有指意云

陳氏曰其末兼及禁術用之多驗

外臺秘要方四十卷

陳氏曰唐王燾撰燾在臺閣二十年久知洪文館得古方書數千百卷因述諸病證候附以方藥符禁灼灸之法凡一千一百四門天寶中出守房陵及大寧郡故以外臺名

經籍子

文獻通考卷三百三

十



其書孫兆以煮謂鍼能殺生人不能起死人取灸而不取  
鍼譏其為醫之蔽予獨以其言為然

陳氏曰自為序天寶十一載也其書博采諸家方類如肘  
後千金世尚多有之至小品深師崔氏許仁則張文仲之  
類今無傳者猶間見於此書云凡醫書之行於世皆仁廟  
朝所校定也按會要嘉祐二年置校正醫書局于編脩院  
以直集賢院掌禹錫林億校理張洞校勘蘇頌等並為校  
正後又命孫奇高保衡孫兆同校正每一書畢即奏上億  
等皆為序下國子監板行并補注本草脩圖經千金方翼  
金匱要略傷寒悉從摹印天下皆知學古方書矣  
產寶二卷

晁氏曰唐晉殷撰殷蜀人大中初白敏中守成都其家有  
因免乳死者訪問名醫或以殷對敏中迎之殷集備驗方

藥三百七十八首以獻其後周頌又作三論附于前

龍樹眼論三卷

晁氏曰佛經龍樹大士者能治眼疾假其說集治七十二  
種目病之方

文獻通考卷之二百二十三

宋鄱陽 馬端臨 貴與 撰

明蘄陽 馮天馭 應房 校刊

經籍考 子 醫家

太平聖惠方一百卷

晁氏曰太宗皇帝在潛邸日多蓄名方異術太平興國中  
內出親驗者千餘首乃詔醫局各上家傳方書命王懷隱  
王祐鄭彥陳昭遇校正編類各篇首著其疾證淳化初書  
成御製序引

慶曆善救方一卷

兩朝善文志詔以福州奏獄醫林士元藥下蠱毒人以獲  
全錄其方今國醫類集附益八年頒行

皇祐簡要濟衆方五卷

經籍考

文獻通考卷之二百二十三

一

兩朝藝文志皇祐中仁宗謂輔臣曰外無善醫民有疾疫或不能救療其令太醫簡聖惠方之要者頒下諸道仍勅長吏揆方劑以時拯濟令醫官使周應編以為此方三年頒行

太醫局方十卷

晁氏曰元豐中詔天下高手醫各以得効秘方進下太醫局驗試依方製藥嘗之仍模本傳于世

和劑局方十卷

晁氏曰大觀中詔通醫刊正藥局方書閱歲書成校正七百八字增損七十餘方

陳氏曰庫部郎中陳師文等校正凡二十一門二百九十七方其後時有增補

王氏博濟方五卷

晁氏曰皇朝太原王袞撰慶曆間因官滑臺暇日出家藥七十餘方擇其善者為此書名醫云其方用之無不効如草還丹治大風太乙丹治鬼胎尤奇驗

藥準一卷

陳氏曰潞公文孝博覽夫撰所集方才四十首以為依本直布用藥則有準故以此四十方為處方用藥之準也

沈存中良方十卷

晁氏曰皇朝沈括存中撰存中博學通醫術類其經驗方成此書用者多驗或以蘇子瞻論醫藥雜說附之

陳氏曰不知何人所錄其間辨雞舌香一段言靈苑所辨猶有未盡者然明書目別有沈氏良方十卷蘇沈良方十五卷而無靈苑方

靈苑二十卷

是氏曰亦存中編本朝士夫如高若訥林億孫奇龐安常皆以善醫名世而存中尤善方書此書所載多可用孫氏傳家秘寶方三卷

陳氏曰尚藥奉御太醫令孫用和集其下殿中丞兆父子皆以醫名自昭陵時迄于熙豐無能出其右者元豐八年兆弟宰為河東漕屬呂惠卿帥并從宰得其書序而刻之自言為思邈之後是氏讀書志作孫尚秘寶方凡十卷

差在必用方十六卷  
晁氏曰皇朝初虞世撰序謂古人醫經行於世者多矣所以別著者古方分劑與今銖兩不侔用者頗難此方其證易詳其法易用苟尋文為治雖不習之人亦可無求於醫也虞世本朝士一旦削髮為僧在襄陽與十父遊從甚密尊生要訣二卷

陳氏曰即初虞世四時常用要方有廬山陳准者復附益焉

楊子護命方五卷 通神論十四卷

晁氏曰皇朝楊退修撰以岐伯論五運六氣以治百病後世通之者惟王冰一人而已然猶於遷變行度莫知其始終次序故著此方論云

龐氏家藏秘寶方五卷

陳氏曰蘄水龐安時安常撰安時以醫名世所著書傳於世者惟傷寒而已此書城南吳炎晦父錄以見遺山谷黃氏龐安常傷寒論後序安常自少時善醫方為人治病處其生死多驗名傾江淮諸醫然為氣任俠鬪難走狗蹴踘擊毬少年豪縱事無所不為博奕音技一工所難而兼能之家富多後房不出戶而所欲得人之以醫聘之也

皆多陳其所好以順適其意其來也疾家如市其疾已也  
君脫然不受謝而去之中年乃屏絕戲弄閉門讀書自神  
農黃帝經扁鵲八十一難經靈樞甲乙葛洪所縱緝百  
家之言無不貫穿其簡策紛錯黃素朽蠹先師或失其讀學  
術淺陋私智穿鑿曲士或窺其文安常悉能辨論發揮每  
用以視病如是而生如是而不治幾乎十全矣然人以病  
造之不擇貴賤貧富便齋曲房調護以寒暑之宜珍膳美  
饈時節其飢飽之度愛其老而慈其幼如痛在已也未嘗  
輕用人之疾嘗試其所不知之方蓋其輕財如糞土而樂  
義耐事如慈母而有常似秦漢間游俠而不害人似戰國  
四公子而不爭利所以能動而得意起人之疾不可縷數  
它日過之未嘗有德色其所論著傷寒論多得古人不言之  
意其所師用而得意於病家之陰陽虛實今世所謂良

醫十不得其五也余始欲掇其大要論其精微使士大夫  
稍知之適有心腹之疾未能卒業然未嘗游其庭者雖得  
吾言而不解若有意於斯者讀其書自足攬其精微故特  
著其行事以為後序云其前序海上道人諾為之故虛右  
以待

宛丘張氏跋傷寒論曰張仲景傷寒論論病處方纖悉必  
具又為之增損進退之法以預告人嗟夫仁人之用心哉  
且非通神造妙不能為也安常又竊憂其有病證而無方  
者續書為論數卷用心為術追儷古人淮南謂安常能與  
傷寒說話豈不信哉

錢氏小兒方八卷

晁氏曰皇朝錢乙仲陽撰神宗時擢太醫丞於書無所不  
窺宅人勤勤守古獨度越縱舍卒與法合尤邃本草多識

物理辨正闕誤具工療嬰孺病年八十二而終閻季忠方  
附其後

錢氏小兒藥證直訣三卷

陳氏曰錢仲陽撰閻季忠集上卷言證中卷敘嘗所治病  
下卷爲方孝忠亦頗附以已說且以劉斯立所作仲陽傳  
附于宋宣和元年也

嬰童寶鏡十卷

晁氏曰題回棧真子不著姓名錄世行應驗方成此書

小兒靈秘方十三卷

晁氏曰不題撰人辨小兒疾證及治療之方多爲歌訣

小兒三訣一卷

晁氏曰未詳撰人名氏吾句韻語以記小兒疾證治法二十  
三

醫說十卷

陳氏曰新安張景季明撰

食治通說一卷

陳氏曰東甌婁居中撰臨安藥肆金藥曰者有子登第以  
恩得初品官趙忠定丞相跋其後書凡十六篇大要以食  
治則身治此上工醫未病之一術也

趙丞相序略曰君自幼業醫至是歷八十一寒暑矣錢唐  
行都多貴人君未嘗出謁卿相王侯之家屢迎之不可致  
每旦肩輿至藥肆羣兒已四集悲啼叫號囂然滿室君皆  
調護委曲坐良久徐起枚視之一以至之先後爲序輒爲  
言兒本無疾愛之者害之也如言兒下利時此爲脾虛乳  
食過傷所致惟苦節其乳食微以參朮藥溫其胃卽愈矣  
而愛之者曰兒數利氣且乏非強食莫補其所喪於是胃

虛不能攝化其氣重傷參朮弗效增以薑附薑附不已重以金石而兒殆矣胡不以身喻之方吾曹盛壯時日食二升米飯幾不滿欲一日意中微不佳則粒米不堪向口何況兒乎子每視君持藥欲授時必諄諄為人開說口幾欲破又為紙囊貯藥各著其說於上使歸而勿忘焉

治病須知一卷

陳氏曰不知名氏專論外證以用藥之次第為不能脈者設也

正俗方一卷

陳氏曰知虔州長樂劉彝執中撰以虔俗信巫無醫藥集此方以教人

奉親養老書一卷

陳氏曰秦州興化令陳直撰元豐中人

小兒斑疹論一卷

陳氏曰東平董汲及之撰錢乙元祐癸酉題其末

腳氣治法一卷

陳氏曰董汲撰

指迷方三卷

陳氏曰考城子王貺子亨撰吳丞相敏為之序貺為南京名醫宋殺叔之壻以醫得幸至朝請大夫

九齋衛生方三卷

陳氏曰宣和宗室忠州防禦使士紆撰

治風一卷

陳氏曰張耒文潛所傳凡三十二方

小兒醫方妙選三卷

陳氏曰成安大夫惠州團練使張渙撰凡四百二十方渙

五世爲小兒醫未嘗改科靖康元年自爲之序

雞峰備急方一卷

陳氏曰產醫教授張銳撰紹興三年爲序大抵皆單方也  
產育寶慶集一卷

陳氏曰漢陽李師聖得產論二十一篇有其說而無其書  
醫藥教授郭稽中以方附諸論之末遂爲全書近時括蒼  
陳言嘗評其得失於三因方發醫杜蒞者又附益之頗爲  
詳備

本事方十卷

陳氏曰維揚許叔微知可撰紹興三年進士第六人以藥  
餌陰功見於夢寐事載夷堅志晚歲取平生已試驗之方  
併記其事實以爲此書取本事詩詞之例以名之  
傷寒歌三卷

陳氏曰許叔微撰九百篇皆本仲景法又有治法八十一  
篇及仲景脉法三十六圖翼傷寒論二卷辨類五卷皆未  
見

指南方二卷

陳氏曰蜀人史堪載之撰凡三十一門各有論

楊氏方二十卷

陳氏曰樞密楊俊子靖以家藏方一千一百十有  
一首刻之當塗世多用之

本草單方三十五卷

陳氏曰二部侍郎寇直王侯碩父撰取本草諸藥條下所  
載單方以門類編之凡四千二百有六方

何氏方六卷

陳氏曰太常博士括蒼何十德揚撰



洪氏方一卷

陳氏曰番禺洪氏

莫氏方一卷

陳氏曰刑部郎中吳興莫伯虛致道刻博濟方於永嘉而以其家藏經驗方附于後

備急總効方四十卷

陳氏曰知平江府溧陽李朝正撰大抵皆置方也

是齋百一選方三十卷

陳氏曰山陰王珍孟欲撰百一言其選之精也

三因極一方六卷

陳氏曰括蒼陳言無撰撰三因者內因外因不內外因其說出金匱要略其所述方論往往皆古書也

小兒保生方三卷

陳氏曰左司郎姑孰李樾與幾撰

傷寒要旨二卷

陳氏曰李樾撰列方於前而類證于後皆不外仲景

漢東王氏小兒方二卷

陳氏曰不著名

幼幼新書五十卷

陳氏曰直龍圖閣知潭州劉昉方明撰集刊未畢而死徐壽壽卿以潛攝郡趣成之

大衍方十二卷

陳氏曰朝散大夫孫紹遠稽仲撰凡藥當預備者四十九種故名大衍字在易得者不與焉諸方附于後

海上方一卷

陳氏曰不著名括蒼刻本館閣書目有此方云乾道中

知處州錢竿編

集效方一卷

陳氏曰南康守李觀民集

胎產經驗方一卷

陳氏曰陸子正撰集

葉氏方三卷

陳氏曰太社令延平葉大廉撰

胡氏方一卷

陳氏曰不著名

傳道適用方二卷

陳氏曰稱拙菴吳彦夔淳熙庚子

陳氏手集方一卷

陳氏曰建安陳抃

選奇方十卷後集十卷

陳氏曰青田余綱堯舉撰

傷寒瀉痢要方一卷

陳氏曰直龍圖閣長樂陳孔碩膚仲撰

湯氏嬰孩妙訣二卷

陳氏曰東陽湯衡撰衡之祖民望精小兒醫有子曰麟登

科衡麟之子尤邃於祖業為此書九十九篇

諸家名方二卷

陳氏曰福建提舉司所刊市肆常貨而局方所未收者

易簡方一卷

陳氏曰永嘉王碩德撰增損方三十首吹咀藥三十品

市肆常貨圓子藥十種以為倉卒應用之備其書盛行于

世

四時治要方一卷

陳氏曰永嘉屠鵬時舉撰專為時疾瘡痢吐瀉傷寒之類  
雜病不與焉

治奇疾方一卷

陳氏曰夏子益撰凡三十八道皆奇形佐證世間所未見  
者

傷寒證類要略二卷 玉鑑新書二卷

陳氏曰木人平堯卿撰專為傷寒而作皆仲景之舊也亦  
別未有發明

瘡疹證治一卷

陳氏曰金華謝天錫撰

產寶諸方一卷

陳氏曰不著名氏集諸家方而以十二月產圖冠之

纂要備急諸方一卷

陳氏曰不知何人集皆倉卒危急所須藥及雜術也

摘要方一卷

陳氏曰傷寒十勸及危證十病未載托裏十補散方

劉涓子神仙遺論十卷

陳氏曰東蜀刺史李頔錄按中興書目引崇文總目云宋  
龔慶宣撰劉涓子者晉末人於丹陽縣得鬼遺方一卷皆  
治癰疽之法慶宣得而次第之今按唐志有慶宣劉涓子  
男方十卷未知即此書否卷或一板或止數行名為十卷  
實不多也

衛濟寶書一卷

陳氏曰稱東軒居士不著名氏治癰疽方也

外科保安方三卷

陳氏曰知興化軍臺社張允昂家藏方輿參政茂良劉太史夙為之序跋

五發方論一卷

陳氏曰不知名氏亦吳晦父所錄

李氏集驗背疽方一卷

陳氏曰泉江李逸嗣立撰凡五十二條其論議詳盡出當

皇帝醫相馬經三卷

晁氏曰唐穆彞集伯樂王良等六家書成此編皇帝斥神農也


育駿方三卷

晁氏曰未詳撰人相馬術及醫治畜牧之方

相馬經一卷

晁氏曰未詳撰人相馬法式并著馬之疾狀及治療之術

李氏書目有之



六韜通考卷之二百二十三

寬政戊午

糸糸子

文庫通元卷三百三

北

本原刻

